

之乃瞑顏無子不克葬可辛勤百營瘞衣相役卒葬之方天寒單衣以居有饋白金者顧顏之外處室舉以佐其匱具一日自遠歸家以寢告適友人郭行扣門曰吾父病醫邀錢百千真吾廬而不售可惻然計橐中裝略當其數盡與之關中稱其賢 華陰志

楊大雅字子正虞卿之後虞卿孫承休唐天佑初以尙書刑部員外郎爲吳越國冊禮副使楊行密據江淮道阻不得歸遂家錢塘大雅承休四世孫也錢俶歸朝挈其族寓宋州大雅素好學日誦數萬言雖飲食不釋卷進士及第

同州府志卷三十 列傳中

七

歷新息郡陵縣主簿改光祿寺丞知新昌縣徙知潯州監在京商稅再遷秘書丞咸平中交趾獻犀因奏賦召試遷太常博士久之又上書自薦獻所爲女復召試直集賢院累遷兵部郎中知制誥大雅初名侃至是避眞宗諱詔改之居二歲拜右諫議大夫集賢院學士知亳州卒大雅朴學自信無所阿附置集賢院二十五年不遷或笑其違世自守大雅嘆曰吾不學乎世而學乎聖人由是以至南循江按部過金陵遇風覆舟得兵卒拯之及峴冠服盡濕時丁謂鎮金陵遣人遺衣一襲大雅辭不受謂以爲歉宰相

王欽若亦不悅之晚與陳從易並命知制誥嘗因轉對上原治十七篇所著有大隱集西垣集職林兩漢博聞六十 七卷 華陰志

楊佐字公議唐靖恭諸楊後至佐家于宜及進士第爲陵州推官州有鹽井深五十丈皆石也底用栢木爲榦上出井口垂繩而下方能及水歲久榦摧敗欲易之而陰氣騰上入者輒死惟天有雨則氣隨以下稍能施工時則亟止佐教工人以木盤貯水穴竅灑之如雨滴然謂之雨盤如是累月井榦一新利復其舊累遷河陰發運判官榦當河

同州府志卷三十 列傳中

七

渠司皇祐中汴水殺溢不常清舟不能屬佐度地鑿瀆以通河流於是置都水監命佐以鹽鐵判官同判京城地勢南下涉夏秋則苦霖潦佐開永通河疏溝洫出野外自是水患息又議治孟陽河議者謂不便佐言國初歲轉京東粟數十萬今所致亡幾倘不濬復舊跡後將廢矣乃從其策出爲江淮發運使孟陽之役調民七八千夷邱墓百數怨聲盈塞詔開封鞠治官吏獨捨佐不問糾察刑獄劉敞請加貶黜不聽召爲鹽鐵副使拜天章閣待制復判都水知審官院權發遣開封府當使契丹虜饋以方物書獨稱

名英宗升遐奉遺囑物再往使卒于道年六十一詔護喪歸賻以黃金恤其家 華陰志

楊覃字申錫漢太尉震後唐京兆尹虞卿之六世孫也四世祖承休使吳越歸路阻絕因留寓浙中覃少獻書於錢俶俶私署作郎從俶歸宋爲馬城尉太平興國八年舉進士擢第再遷太常博士使陝西蜀道負覃本名蟬至是太宗爲改淳化中判壽州上政績詔書嘉獎就命知壽州會丁內艱州民列狀乞留有詔奪情覃重進爲永興節度還覃同判軍府事賜緋魚重進頗不遵法覃多抗執重進不

同州府志卷二十

列傳中

三

悅覃表求徙任轉都官員外郎時討李繼遷調發芻糧以急促刻酷人用怨嗟改職方員外郎咸平初呂蒙正薦其材詔判三司磨勘憑由理欠司四年春旱覃上言古之用刑皆避三統之月漢舊章斷獄報重盡三冬之月又唐太宗凡斷重刑日勅減膳徹樂今春物方盛時雨尙愆輦輶之下獄繫甚繁詔有司死罪未得論決俟雨降乃復常典明年權同知貢舉出爲陝西轉運使賜金紫會邊臣言繼遷死願乘此時入討覃建議伐喪非禮且其子尙在當爲之備請詔邊臣謹守疆埃毋得輕舉俟其衆叛親離則亡

無日矣徙知隨州景德二年轉知覃州大中祥符二年爲淮南江浙荆湖制置發運使月餘改太常少卿直昭文館知廣州覃勤于吏事所至以幹濟稱南海有蕃舶之利前後牧守或致謗議惟覃以廉著遠人便之加諫議大夫四年卒年五十四遺其長子奉禮郎文友乘傳赴喪詔本州護柩還其家官給所賈 華陰志

同州府志卷二十

列傳中

三

宗問割地與不割地利害對曰金人有吞噬之意願悉起關中士馬赴都爲備詔以爲開門宣贊舍人持節諭陝西行至朱仙聞金人犯京師復還與張叔夜同入城請於帝乞幸秦州又乞出城劫之使不敢近又乞諸門同出兵牽制突尾襲應可一戰而勝時衆言已入皆不果後金人攻安上門填道渡濠革言之守將使洩蔡河水以灌之不聽及填道將台欲用前議則水已涸矣車駕幸金營革以爲墮其計往請叔夜欲身見其大會計事叔夜問其故曰茲行有三說一則天子還內二則金騎歸國三則革死叔夜

爲言之不報上皇如后太子出郊革白孫傳乞留之不得
乃與傅謀于啟聖僧院置賑濟局募士民就食一日之間
至萬計陰以軍法部勒久之以合已至數萬多兩河驍悍
之士既而有立張邦員之議革謀先誅范瓊輩以三月八
日起兵謀既定前期之日有班直甲士數百人排闥入言
邦員以七日受冊請亟起事革乃披甲上馬至咸豐門四
面皆瓊黨紿革入卽執之脇以從逆革罵之極口引頸受
刃顏色不變其麾百人皆死 華陰志

劉靖郃陽入兄弟同居宅邊榆樹上生桑西廊梧桐上穀

同州府志卷三十 列傳中

蓋

枝明年墳中白楊生檜並鬱茂鄉人號榆爲義祖桐爲小
義楊爲義孫縣令爲脩三異亭 府志

金

党懷英字世傑馮翊人宋太尉進十一代孫也父純睦秦
安軍錄事參軍大定中進士調官州軍士判官累除汝陰
縣尹國史院編修官翰林待制兼同修國史懷英能屬文
工篆籀當時學士皆宗之已充遼史刊修官時章宗初卽
位旁求文學之士以備侍從稱懷英爲最明昌元年遷國
子祭酒二年遷侍講學士明年議開邊防濠塹懷英奏罷

其役再遷翰林學士承安二年乞致仕改秦寧軍節度使
明年召爲翰林學士承旨太和元年增修遼史編修官久
之致仕卒諡文獻 大荔志

景覃字伯仁華陰人幼有文名大定初三赴廉試後以病
不就舉博極羣書有舉問者立誦數百言又從而講說之
爲人誠實樂易不修威儀隱居西陽里以種樹爲業落拓
嗜酒醉則浩歌日以爲常作詩有功樂府亦可傳伯仁老
不廢書有勸以養目力者曰吾輩非讀書則無所用心要
當死而後已耳晚年於易有所得年七十終於家自號渭

同州府志卷三十 列傳中

蓋

濱野叟有集傳關中 府志

楊邦基字德懋華陰人父絢宋末爲易州州佐宗望代著
宋蔡靖以燕山降易州卽日來附絢被殺邦基年十餘歲
匿僧舍得免既長好學天眷二年登進士第調灤州軍事
判官遷太原交城令太原尹徒單恭貪汙不法託名鑄金
佛命屬縣輸金邦基獨不與徒單恭怒召至府將以手持
鐵柱杖撻邦基而邦基不動乘德廉察官吏尹與九縣令
皆免去邦基以廉爲河東第一召爲禮部主事以兵部員
外郎攝吏部差除坐銓注李慶之大興國奴與高衍等皆

貶官邦基降坊州宜春簿轉高密令大定初尚書省擬邦基刑部郎中世宗曰縣官卽除郎中如何太師張浩對曰邦基前爲兵部員外郎矣且其人材可用上許之改太府少監知登聞檢院爲秘書少監遷翰林直學士再遷秘書監兼左諫議大夫修起居注中都警巡使張子衍與邦基姻家子衍道中遇皇子衛伏立馬市門不去繳衛士詞之子衍以鞭鞭衛士詞已者御史臺劾奏子衍邦基見臺爲子衍求解及入見顯宗求脫子衍罪詔削子衍官兩階邦基坐削一階出爲同知西京留守事從山東東路轉運使

同州府志卷三十 列傳中

畫

永定軍節度使致仕大定二十一年卒邦基能屬文善畫山水人物尤以畫名當世云

華陰志

元

郭寶玉字玉臣華州人通天文兵法善騎射金末封汾陽郡公引軍屯定州會木華黎軍至寶玉舉軍降引見太祖問取中原之策寶玉對曰中原勢大西南諸蕃勇悍宜先取之以圖金又言建國之初宜頒新令帝從之授鈔馬都鎮撫從木華黎取永清破高州降北京龍山復破太原平陽諸州縣從帝討契丹遺族破其兵三十餘萬收別失八

里別失蘭等城次忽章河西人列陣戰方酣寶玉疾呼曰西陣走矣其兵果走追殺幾盡次暗水河敵陳船河中寶玉今發箭射其船一時延燒乘勝直前斬大將佐里收馬里四城從拓栢速不台二先鋒收契丹渤海諸國有功屢遷斷事官子德海德山德山以萬戶破陝州攻潼關卒

德海字大洋亦通天文兵法金末爲謀克擊宋將彭義斌於山東敗之大軍至乃出降從拓栢西征踰雪嶺西北萬里進軍次答里國平之遷至崢山吐蕃回紇反破之從元帥闊闕入關中金人閉關拒守德海斬關入破南山八十

同州府志卷三十 列傳中

畫

三寨與金將武仙軍十萬遇於白河斬首二萬餘級復破金軍於鄧至均州辛卯春破金將合喜兵於中牟完顏斜烈帥軍來戰先登破之以功遷右監軍壬辰破金師於黃龍岡癸巳取申唐二州甲午河南叛德海討之砲傷其足以疾卒

郭侃字仲和德海子弱冠爲百戶鷲勇有謀略金將伯撒取衛州侃拒之破其兵四萬遂渡河襲金主至歸德攻汴西門金元帥崔立降以下德安功爲千戶從宗王旭烈兀西征西城平世祖卽位上疏陳建國號築都城立省臺興

校等二十五事及平朱之策後皆如其策中統二年擢江漢大都督府理問官三年益都李壇及徐州總管李杲哥俱反宋夏貴來犯邊史天澤薦召入賜尙衣弓矢馳徐斬杲哥杲哥弟驢馬復與夏貴來擾邊境侃出戰斬首千餘級至元五年濟南胡王反討平之七年彰德趙當驢反又平之帝以侃習於軍務擢爲萬戶從軍下襄陽江南平知寧海州居一年卒侃行軍有紀律野爨露宿不入民舍所至興學課農吏民畏服

府志

郝鼎臣字巨卿韓城人博識洽聞文章光艷名重當時泰

同州府志卷三十 列傳中

七

和八年占京兆府試播藝科金衰流落之汴元丞相耶律公爲董軍國事適汴張宴以待四方之士於是入謁大加歎賞鼎臣戊戌年京兆府學置貢院於三場內俱登魁甲尤長詞賦充本省參議兼提舉學校事

府志

王由義字仲方朝邑人起家以文學掾歷禮部主事拜中臺御史至禮部侍郎初爲徽政院都事能抑內侍節浮費爲御史屢有獻替從上上京抗章論衛士縱牧贖民田不便由是行營無敢犯者在西曹嘗議江西行省戰功至相震怒殊不爲動廷論壯之在臬曹主四方獄持法平允以

是稱其能嘗語人曰先祖贊畫一邑尙不希世苟台今位通顯何敢齒莽在儀曹數年練習典故禮祀科舉設施注措如指諸掌歐陽元贊曰由義眞賢者也作王氏世德記

朝邑志

王楫字濟川家朝邑之秦邨經儒門習法律吏於開城興元二路選陝西理問所令史果遷朝列大夫秦州知州踰年乞休以中議大夫同知奉元路總管府致仕翰林編修太子文學曲江張沖志稱天歷兵興關陝大荒協同汪司徒均布國澤期盡拯求之方差潼關勸富人運米而西以

同州府志卷三十 列傳中

七

佐濟邨瀋州洞蟹耗邊贊議招安邊徼寧謐及知秦州民罹饑饉荒政又最它郡卒葬秦邨

朝邑志

郭均字叔平朝邑人至正辛卯由儒職轉儒林郎尹鄆既去民爲立石頌德稱郭儒林遺愛其政重民務督課農桑開學延師教養子弟有害政蠹民與不率教者悉伏法一時訟簡盜息鄉村樂於爲善引甘谷水溉田千餘畝常平倉粟至四千餘斛興元金鳳盜起爲之申嚴關隘每遇運糴軍儲則分籌均派吏人不敢向下其手前後輸粟四萬餘石而民不稱偏焉縣志常視遺贊曰國步倥偬而施爲

若此可謂良吏矣 朝邑志

員炎字善卿同州人嗜酒工詩負奇氣不事生產大德三年故人楊紫陽主漕雜師憫其窶用監嵩州酒嵩故嚴邑兵後益樵荒炎薄之隨所徵上謁挂布囊腋下杖巨挺直前曰使君不相知幾令我為老黑所噬此汝酷錄持取吾不能再辱長揖去其謙讓如此自是長遊河朔以詩鳴諸公間久之倦遊西歸布衣老於家詩囊酒瓢外無長物衛源王太史為立員先生傳載其詩數首惜他藁不盡傳 大荔志

同州府志卷三十

列傳中

堯

雷清字潔已淳謹好讀書元季以秀才辟解弗就或勸之仕則曰時不可為矣未幾亂作人服其先見及海內平定迺以舊產讓弟徙居雒城優游卒歲無復有仕進意縣令舉為耆賓歲饑請於朝發粟賑之民全活者甚眾澹然無德色翰林侍講兼修國史吉水羅汝敬曰先生以才見試於有元以耆德見徵於本朝以惠澤衣被於鄉之窮餓人蓋有道之士古所謂鄉先生歿可祭於社者也後以子恭拜御史封如其官 澄城志

王賈元邠陽人家貧少孤事母嘗竟日不食而母之甘旨

未嘗缺一夕聞扣門聲甚急啟視之見黑驪二負鈔累貫門立四顧無一人賈異之挈所負入出視之驪不知所之矣里人驚歎以為純孝所感云 府志

岳崧字景山延祐中三聘不起鄉人頌之曰隱姓埋名岳景山嘗讀書於橋頭河之卧虎崗與蕭軒相友善所著有六經四書註弗果傳前志稱其解禽鳥語未之詳也 邠陽志 張思孝華州人母喪以孝聞父疾調護甚至不愈以父涕漬半器垂泣盡飲之復潔齋致禱乞以身代未幾遂痊至順三年表其門 華州志

同州府志卷三十

列傳中

全

蔣常奉先人為衛尉板橋店主張魁妻歸寧有王衛楊正等投店宿夜有以三衛刀殺逃還刀入鞘正等不之覺黎明起程店人趁正等拔刀尚有血痕收訖之自誣服列狀上疑焉乃命常復推到悉追店左右男女十五以上既集為人數不足且縱之止畱一嫗晚放出令典獄卒密覘有人共語即記之明日復爾如是者三皆此人也常乃追集三百人就中喚出與嫗語者其人惶恐具服乃與逃妻通者也 府志

同州府志卷三十一

列傳下

明

潘友直字孟舉澄城人洪武初由茂材從太祖克陳友諒
屢畫奇策陞工部尚書所至輒有聲績習儉服勤終始如
一後乞骸骨朝廷寵賜金帛歸即悉賞軍士同妻孥驢而
歸行李蕭然惟圖書數卷而已 府志

盧崇邵陽人幼讀書明大義洪武二十五年再從兄居為
吏坐法戍遼東亡捕之不得檄取充伍逮及婦人舉族驚

同州府志卷三十一 列傳下

惶謀遁崇毅然以身代其妻王氏請借往是時生子讓未
彌月居妻請代撫之於是舉族饑崇羅拜痛哭崇慨然登
車去既至遼立軍功遷小旗夫婦俱壽終生二子曰敏曰
聰讓聞父母歿徒步至遼與敏聰相持泣既而言歸葬二
子爭之不能決訟之有司令鄉人議之讓曰問關數千里
至此謂何不能歸葬有死而已乃蓬跣臥墓側號泣不食
數日二弟知不可奪聽其扶歸後兩地子孫日蕃讓之六
世孫醇順治辛丑成進士敏之曾孫表以戰功世襲百戶
表之孫韞道崇禎己卯舉人韞德同科武解元韞德子士

俊為松江知府士傑康熙癸卯舉人 府志

尚士行名志以字行同州人時中子學通五經元末隱居
白水龍岡山學者稱南岡先生與蒲城趙孟暘馬巨江等
樂道講學號五友明初孟暘為學士薦於朝詔授本學訓
導士行經術行誼久厭眾心至是以斯文為己任士皆翕
然廖得師開文明於草昧士行有力焉其子孫世明經學
稽古之榮至今不絕 大荔志

同州府志卷三十一 列傳下

郭良字文易同州人洪武十七年甲子舉於鄉明年四月
除邯鄲教諭遷秦府紀善隨王入觀上覽所作訓世子格
致誠正修齊治平詩忠愛懇至擢河南布政司左參議歷
本司參政建文元年陞北平右布政靖難兵起禦於白溝
河良執戟逐文皇將及被樹枝掛冠文皇得逸去及登極
良乃棄官遁山中搜獲至京上問曰爾彼時及朕當如何
對曰苟得申匹夫之義臣罪不勝誅矣上曰忠臣也勅遣
安撫晉中祇誅逆命者數人餘悉放釋命監修武當廟祠
工竣以羨金簿上進兵部左侍郎督師征交趾事平加本
部尚書行軍大司馬廉督南省漕運糧儲永樂二十二年
乞致仕抵陝州甘棠驛復被旨召回勘五省水災據實奏

聞上嘉悅之賞予優隆並賜宴贈詩宣德二年再乞休歸卒於家良有文武才每視師策駿馬持長戟督戰指揮英勇不殊健將雅善吟詠嘗於御前與學士解大紳競敏上稱之曰解籍生知郭良學知歸里後結廬敷谷鑿渠引流溉田千餘畝鄉人利賴焉著有詩集數卷 華陰志

高翔朝邑人有文學矜名節洪武中以明經爲御史諸所論奏無不關國家機事當上心者建文時尤戮力戎事激發忠義靖難後上召翔翔喪服入見大哭語又不遜遂族翔沒其產諸給高氏產者皆加稅曰令世世罵翔也親戚

同州府志卷三十

列傳下

三

悉戍邊又發掘先塋雜牛馬骨焚灰揚之而以其地爲漏

澤園 朝邑志

程濟本姓成朝邑人以明經爲四川岳池教諭距邑數千里往來於里而岳池學事不廢建文初上書言某年月日西北兵起朝廷謂非所宜言繫至京將誅濟召入仰而大呼曰陛下且囚臣至期無兵臣死未晚也遂下獄已而兵果起赦濟以爲翰林編修充軍師護諸將北行徐州之捷請將樹碑叙戰功及統軍姓氏濟一夜潛往祭碑人莫測其故後文皇過徐見碑大怒趣左右椎碑一再擊還曰止

按碑族誅無一得脫者惟濟姓名以椎脫得免曩之祭蓋讓之也初濟與邑人高翔竝以明經徵翔厲名節濟好奇術翔止濟勿爲濟不聽已而有兵事濟又勸翔學其術翔曰我願爲忠臣也金川門破翔召濟死事濟曰願爲智士翔竟死之建文急召濟入門計濟曰天數已定惟可出亡免難耳建文如言濟從之每遇險幾不能脫賴濟力得免從行數十年後又隨如南京人尙識濟後莫知所終其子廉善鎗文皇嘗稱成國公鎗法後知有廉召與成國校併於殿庭廉進退敏妙成國弗能當也上心賞其能命爲錦

同州府志卷三十

列傳下

四

衣衛千戶子孫至今猶有存者 朝邑志

楊恭朝邑人初爲給事中歷刑科都給事靖難師起朝議命曹國公統師問罪恭疏言宜先遣使講和不宜輒行征討忤旨黜爲蒙白縣幕文廟卽位檢閱封事諸言進兵者皆罪之唯恭主和議甚喜問恭何在得至命除爲布政使部難之以爲他省無缺獨缺在陝西恭不得往上曰朱買臣不爲會稽邪恭笑不可遂給勅令馳傳往恭徒步之官廉得賊吏多所貶退居九年以廉貞終於左使蓉塘集云永樂二年以刑科都給事楊恭爲陝西布政使次日陛辭

蓋文獻足徵矣 朝邑志

董飛同州人宣德壬子舉人正統中教諭芮城歷郿府教
授淮安府知事陟知海州海故患虎飛至遂絕蝗亦不災
州人有德被山林消虎患化行田野絕蝗災之頌景帝知
其賢召見賜鈔遷吏部文選員外英宗復辟改知膠州課
農興學士民宜之禱旱屢有奇應他邑人聞風附者二千
餘戶飛素清謹政教皆崇德愛故所至有績膠州以名宦
奉祀 大荔志

雷霖字鴻濟華陰人生而美丰儀見者比之玉人讀書一

同州府志卷三十一 列傳下

五

過即通景泰二年庚午中式省試第一天順丁丑會試總
裁官奇其文復擬元他主司以陝籍抑置第二人廷試再
屈列三甲選庶吉士授職檢討霖既負俊才意不可一世
酬答間多放情之言有忌之者改德藩長史擢山西提學
副使秩滿歸卒老於家論者惜其位不副才也詩歌古文
辭豪宕不羈工草書自成一格創編邑誌人謂其具得史
家遺法惜為後之修志者刪改俾善本無從觀矣曾孫應
志以陽曲籍登萬歷甲戌科進士 華陰志

張壽華陰人賦性剛毅景泰癸酉年以禮記中鄉試科赴

吏部候銓知縣得山西榆次榆次俗任使使氣好勝恥屈
恒以術挾持官府長吏稍不如意即多方排之去壽悉知
其雙方壽之需次也與榆次生某同寓舍甫投官榆次生
具酒饌為賀漸以言餽之壽大怒曰我為榆次令爾為榆
次民敢溷我耶命僕仆之地手杖之去之官時兩僕荷行
李壽杖而步隨至保定榆次丞遣夫騎來迎壽斥却之抵
縣即申丞不當動夫馬迎令請祿丞職既視事獲殺人盜
讞具堂階左掘一坑埋盜至肩以挺碎其首死擁土為墳
有不孝子父母首告供實立柱殺之埋堂階右亦為墳左

同州府志卷三十一 列傳下

六

右與巖相對曰張知縣不用大明律也榆民為之股栗而
思有以中之者益急矣值鄉試期上官檄壽為廉官羣俠
求親類壽者偽為壽與馬隸役悉備遣前驅一人至他邑
置宿所謂主人曰榆次縣主至須得密室為館縣主久清
苦至此欲假數日娛樂可備歌者主人素聞壽名盛具以
待既而偽知縣至主人侍飲頗洽更餘從容言曰某有家
樂欲暫令侑觴偽者笑曰可笙歌既罷且代輪纏頭百金
明日知縣去主人不知其偽也適壽以會勘事由旁縣入
省久之他邑人以里長科銀控按察司訊之乃為榆次令

賞歌妓費乘果者疑之又以壽未經此途察訪得實悉實之法壽雖賜刑峻法而永棄自守九年不替成化二十二年行取授工部主事歷員外郎郎中干請杜絕人以壽刑人之狀呼為張扯鎖孝皇亦聞之一日上幸後山壽巡視皇城杖人大內聲徹御座上問之左右以張郎中杖人對士笑曰從渠扯鎖在部六年不調致仕歸

華陰志

張之架字儀正華州人業太學以思親歸省至真定夢老父謂曰汝母疾汝宜亟行覺而大懼兼程至家母果病延醫同藥風夜衣不緩帶母卒哀毀踰禮既殯廬居墓次雪

同州府志卷三十一

列傳下

七

夜伏墓哭曰吾母素畏寒吾母寒矣聞者悲之墓岡下忽有泉湧出清冽異常里中一少年素逆於親一旦市肉以進其父異之曰吾見張孝子矣彼為死者猶哭我親生敢不孝耶里人以是化焉竟以墓次風寒遘疾卒

府志

屈直字道伸華陰人曾祖亨敦尚節行洪武初書幣禮徵不應祖韶隰州同知父宏仁續學不遇以直官封奉直大夫刑部員外郎直生而聰敏過人六七歲時父口授四子書及詩歌即記憶不忘未冠補邑庠生成化十六年庚子舉於鄉甲辰成進士家居值歲大饑絕糧某推官者以賑

至直往謁乞賑推官曰邀直會食而不與粟直疑之辭曰使君法官日訊罪囚數數見邀恐生物議推官曰子貧甚賑能幾何吾所訊囚當重譴所以邀子來者示厚子彼必求援可獲金自贖矣直曰荷使君高誼但直方進身之初當清白自勵賑則可受若賂援罪人則不可且污使君名尤非所願也推官嘆服丁未入都授刑部主事執法無所撓大司寇甚禮重焉故事郎中缺員印必他司郎中署印員外郎亦不得時郎中俱出勘司寇輒命主事署印直以故事辭司寇曰主事非常主事亦不可以常格待也刑部

同州府志卷三十一

列傳下

八

主事署郎中印蓋自直始獄卒索囚賄不如意往往縊殺之直廉知其奸適有報囚自縊死者驗係勒斃窮治得其情狀即白尚書論抵如法卒乃無敢殺囚者錦衣黨惡憑依權要包納郡縣賦稅輒局誘解人代納號稱攬頭剝噬侵吞每致解人負累破產事發到部尚書畏不敢究直力爭始允及逮繫攬頭權要果邀奪而去尚書懼且怨曰我固不許今何如縱之碍法急之部且多事矣而急赴錦衣謝直曰直自有處公勿慮也明日入朝言於錦衣之長曰攬頭犯法刑官逮之奈何弗與錦衣朝廷瓜牙賴以緝奸

乃反不容法司持法耶事須奏聞其長懼遽出諸犯嚴追
賦銀仍譴責如律由是威聲震一時宏治王子陞員外郎
再陞郎中遼撫某與武定伯某交惡訐奏奉命勘問獄成
疏論武定之罪無少恕辭勳或爲之屏息丙辰出爲四川
重慶府知府初抵任吏持供應規簿悉取之行賈者約八
千餘金求征之直曰小民營利爲生何預於官而爲此橫
斂耶取簿焚之府有妖物擲石傷人又遺火延燒公私
房屋直乃具牒斥數郡之神明崇頓息境內旱或云眞武
山神素著靈佑所之輒應乃步歷重崖以民命虔禱比下

同州府志卷三十 列傳下

九

山有白雲如蓋隨之俄而大雨遠近淪浹歲獲豐稔郡之
士大夫作三異記以頌之越九年以撫按交薦陞浙江按
察使再陞河南布政將之任司禮監巨璫劉瑾來籍故都
御史錢鉞家資未至鎮守等謂曰劉太監聲勢甚大公主
事難濟矣請暫留迨璫至果作威欲三司跪謁直率衆不
屈璫怒甚衆懼莫敢言直從容曰朝廷之下衙門最大者
內府司禮監天子之下內臣最尊者蟒衣玉帶太監我輩
曷敢不敬第不知見怒何也璫卽改容曰憲長好人援直
手揖入坐衆謂既不激彼怒又不瀆禮也甫至河南陞太

僕卿太僕馬利近倖相沿爲奇貨寺卿莫可誰何直剔刷
禁絕罔政爲之肅清近倖恚恨交譖於瑾瑾令偵察盡得
其情乃謂人曰屈某好官太僕官久習汚濁今別是一衙
門也諸譖不行遷南京操江都御史復改南京大理卿未
幾授清運都御史直以運艘率多稽遲爲置方眼簿給付
運官日記水程及沮風守淺時日以備稽考其法歷久用
之故事都御史例坐漕運總兵左瑾不悅曰都御史豈大
於公侯伯今屈某坐伏羌伯毛銳左且云舊例我差人拿
來看是舊例否然瑾素知直難屈亦不復問也瑾既敗某

同州府志卷三十 列傳下

十

御史倡言直爲瑾鄉人故得數陞推宜罷遂致仕某御史
者直接察兩浙時爲歸安知縣被民告訐科斂贓私至巨
萬直按勘之知縣懷三百金求解直叱却而按治益急會
遷河南乃止至是知縣爲御史赴京途次淮上入謁漕府
執禮甚恭直喜畱之宴飲談及浙事忘其爲某御史也因
言平生未嘗分毫苟取如浙屬一縣令犯贓餽金求解當
時叱出今猶耿耿不知其人何如也某御史色沮愈恭直
怪之別去諦思則卽其人也悔已無及矣某御史入京而
瑾敗當時科道皆嘗伏謁瑾惟某御史始入臺於瑾無染

故得肆意傾擠也直為人剛毅無所曲屈明幹有為歷官
皆著卓犖而胸懷坦白疏於防檢與人言侃侃無隱故卒

為宵小所中傷云里居二十年年七十四卒訃聞朝廷遣

官賜祭為營葬事子召國子學生嘉邑庠生女淑聰慧能

詩適山西布政司參議朝邑韓邦靖所謂五泉子也華陰志

王輔字良弼同州人成化壬辰進士知長垣縣用嚴明治

時荒後民逋三年賦監司督之急輔從容調度畢辦民不

知苦邑東北泮浚每潦集萬頃俱壑輔渠疏之盡為良田

又修城繕學皆不損下而工就居四年徵為監察御史出

同州府志卷三十一 列傳下

十一

按四川風稜震讐貪奸敘迹然剛刻負氣多與人忤已陞

浙江按察僉事尋請歸陽府同知以事罷歸大荔志

張達字雪山白水人由邊功掛將軍印總兵大同虜大舉

入寇戰歿贈光祿大夫上柱國諡忠剛從祠武廟達不知

書然慷慨負節膂力絕人每遇敵好離營陷陣所向有功

卒以此敗邊人至今稱之子世英世俊世傑猶子瑛皆指

揮使英世襲俊官總兵掛印大同援戰亡蔭子一門武功

稱最盛云府志

張曰炳字晦叔同州人知府守訓季子性醇篤好學凡圖

緯書數至稗官醫卜靡不綜獵恬於勢利不就有司誠或

諷之毅然不屑與馬林友善日夕揚考古文辭郡中風雅

一振為文典古華瞻卓有矩矱著張晦叔詩集八卷武城

一卷府志

王盛字懋德號竹室韓城人成化乙未進士任戶科給事

中山西布政司參政嘗受業文清公之門季友媿恤俸祿

之入盡以散族人親識家無餘貲行部河東韓人有見者

延款無僞色閭里相傳以為榮幸過汾陰謁后土廟見側

祠有十六羅漢像去之有狄梁公之風韓俗喪葬媚佛盛

同州府志卷三十一 列傳下

十一

非之獨祖奠以禮自是士遂移風焉先成化甲午薛封池

蓮一莖雙花乙未春盛與馮義成進士先後俱授給事中

人以雙花為瑞蓮謁盛記之盛以花雙而實異因記以自

勗其畧曰彼澤之陂有蒲與荷荷芙蓉也其華齒苞其實

蓮以蓮花為君子者周濂溪也以蓮花為淨友者曾端伯

也比與之義士當以之今韓之蓮一莖雙花瑞也顧實有

不同焉可繹也何也科之登也同也得其人則足正君善

俗則足修政立事而祿位崇焉此蓮房之大而實者若以

示勸也非其人則名實未加於上下責任空託於一身而

卑熱隨之此蓮房之小而未實者若以示戒也釋示戒而戒之釋示勸而勸焉堯舜吾君民位育吾寰區如此則器之成也大人與運並瑞矣此盛之文詞概見者也據此一禱而測之盛其卓準士哉其沒世不亡也殆桃李之下成蹊乎

韓城志

趙繼爵字世忠同州人風儀俊偉中坦無城府宏治癸丑登進士授行人選南京廣西道御史丁艱起除雲南道巡鹽兩淮陞知兗州府調大名尋陞山東按察副使備兵臨清有治績究屬沂剡勝費諸州邑積年逋賦建議蠲罷時

同州府志卷三十一

列傳下

三

金鄉魚臺有左道惑民者監司欲以叛治繼爵力言此愚民被誘若坐逆則無知就戮者多第法其魁則餘衆自解所活甚衆薊賊劉七等作亂攻城繼爵聞變急築外郭七十里浚濠崇楯除戎馬以備賊不敢犯尋免歸繼爵恂謹友愛又喜賙賑以此爲族里所頌兄繼宗以鄉舉爲令子國良另有傳

大荔志

趙國良字邦遂繼爵子風度高朗有智畧然居嘗恂恂尤恬於各位初以制科授工科給事中不阿權貴南畿與江右軍民仇殺獄三年不決當事者請風力科臣鞠之廷推

國良往勘一訊而決會大察以飛語誦孝義丞量移宜興令遷彰德郡丞宜興民赴臺乞留以千計尋晉度支郎後出守太原值邊警國良圖畫方畧防禦甚周已與同官分城而守難民蔽野求入他皆嚴拒國良獨啟鑰納之事平民爲立生祠以功進按察副使備兵潞安居無幾論調時年甫艾卽堅意不出闕園林與親友觴叙其中嘉靖丙午忽訛言虜至鄉聚爭趨城州守懼恐不敢納國良戎衣仗鉞坐西門上納之內外依以爲重州人至今頌說

大荔志

同州府志卷三十一

列傳下

四

人除知河南偃師縣有清操滿秩陞雲南臨安通判以終養歸未幾丁外艱服闋又補四川重慶通判正德丁丑自乞休致年八十卒祀偃師名宦祠其邑志云津持守端方居官平易修文廟建鄉學集邑志緩征輸在任九年士民不擾誠循吏也子四長廷捷學生幼穎異有神童之名早卒季廷揆別有傳

郃陽志

王傑字文英郃陽人幼爲諸生有文名學使戴公珮見其女嘆曰此三秦豪傑也拔之遂食餼榜公一清尤愛敬焉嘗標示其文於列郡以勗諸生一時聲譽藉藉舉宏治乙

卯鄉試正德時遭判開封擒鉅盜閻景和又被賊於鈞州民賴以安傑爲人質幹廉以律已公以處事有不可者雖權貴臨之弗挫也尤精律學斷獄悉得其情吏民憚焉巡撫河南都御史蕭公紳委視屬邑恤民隱祛吏弊恩威並用境內肅然以勞瘁致疾卒於途啓行笥有書數帙布衣二襲錢僅三文而已觀者莫不嘆息泣下云句陽志

尙銜同州人字一中宏治壬子省試第二丙辰登進士拜工科給事中清寧宮災銜上封事以爲天子倦勤所致會詔求直言兩上書各陳四事其後又造延壽塔銜上書極

同州府志卷主十一 列傳下

圭

諫上爲改容罷其役已遷吏戶二科數劾論大臣不法事武宗卽位又上封事二十餘詞皆切直於是當路銜之出爲浙江右參議值歲饑賑資多所全活陞左參政復改山西河東道下車戢橫藩擒巨盜移守冀寧會流賊薄太原急時官兵已調防澤潞銜募壯士嚴城守又檄材官設伏盤駝坂下賊偵知悉遁去巡按素不善銜至是劾其玩寇銜亦奏書自理皆左遷銜遷漢陽知府至郡旬餘卒銜負節氣嶽嶽不能下人居朝勁直敢言廷臣皆敬憚之卽見如外補氣不少降管入質時逆瑾用事惡人高憤或令銜

暫易銜曰大丈夫寧爲一刑餘改度乎其特立類此建樹未竟以死有奏議二卷藏於家子班爵另傳子班命侃侃有父風以明經丞阜城懸直不阿上官棄職而歸人謂其不墮家訓云大荔志

王命字子將同州人嘉靖己酉舉人慷慨有膽畧乙卯歲凶地震官民廬舍城垣盡傾盜麻沸所在抄掠人人自危命時宅憂紆宗守望其弟弗良卽勒令自盡於是威望大著賊不敢近州使君聞之就命問計因假之事權命乃墨衰仗劍金鼓稱姪巡行鄉聚訪緝大小偷或挺或刺或束

同州府志卷主十一 列傳下

夫

而詣吏折其足棄諸陸死者枕藉道路以目州境賴以安兵使者聞之造門謁謝然中不無少濫亦有斃於睡眈者後遂致訟陷獄己理出銓知蔚州弗久卒於官大荔志張思靜字伯安同州人續之孫少警敏美容儀從學韓恭簡稱高弟登嘉靖丁未進士選讀中祕書改授刑科給事中累晉禮科都給事嘗奏彈英國公某邸都尉某權貴敘避時朝廷以醮典不可科臣會公疏失檢六垣皆廷杖尋出爲四川參政督採木之役官民樂其不擾有汪四者倡白蓮教稱亂用計擄之以羆歸起分守河南伊庶人方橫

魚肉官司獨不及思靜是歲提調省試程文多出其手已
摧觀察使居亡何被病歸里卒思靜溫和坦易善以詞色
遇人卽人有急復能力振以故人多德之有詩草一卷藏
於家子養心爲縣令養業參政蜀藩 大荔志

馬自強字體乾同州人嘉靖庚子省試第一癸丑成進士
入翰林授檢討進修撰以校錄永樂大典進侍讀已爲司
經局洗馬國子監司業祭酒詹事府少詹事掌院學士致
百庶吉士經筵日講官禮部左右侍郎吏部左侍郎禮部
尙書世宗實錄成以副總裁進太子少保知貢舉後以太

同州府志卷三十一 列傳下

七

子太保兼大學士入直文淵閣自強儀觀豐偉音吐如洪
鍾性端方博大人不可干以私歷事三朝館局十數年清
嚴特著三同考會試一主南畿試所錄多名士在成均甫
功令訓厲學官諸生抑請託疏壅滯士論歸之部務故皆
關內關自強至禮部曰尙書國之大臣乃仰承政府風旨
哉一惟任法而行會郊社率學藉田及大婚慶成諸典禮
皆所贊襄又考定宗成文武大臣恩恤例各著爲籍胥無
所奸以虜賞逾額請明初約示國威信皆報可時江陵張
居正秉國頗指朝臣自強於內察首黜其幕賓郎中章禮

樞璫馮保勢傾中外爲其庖役求冠帶不許提點張國祥
謀復真人位號二人力爲從愚自強面折其不可上疏劾
之及江陵奪情議起復不爲建於是譽望巋然至見之歎
嗚及入閣閣務皆首臣專之其次拱手受成自強獨有匡
正曰吾恥居伴食之名也然十九齟齬不得行鬱鬱感疾
薨贈少保諡文莊優詔卹廕文集二十卷行世按西安志
馬自強爲講官穆廟語國臣曰惟馬自強講朕多省悟每
講退輒稱善入內閣未久卒於位公少讀書太華山與二
三交契以道德文章相切磨人以韓琦范仲淹稱之 大荔志

同州府志卷三十一 列傳下

七

張守訓字式卿同州人精敏有幹畧善爲說辭嘉靖甲子
舉省試第二萬歷中除知朔州遷重慶府丞皆以宜民爾
去後思入爲刑部員外以親老疏請終養起補戶部管稅
務及明智坊草場厯有能績後由郎中出守遵義遵義者
故番地勦平楊酋而設者也初守訓在重慶值酋之獄勘
者多規避守訓往得其情法已有勦議守訓謂應龍妄殺
誠有罪然所殺妻孥與部下耳非仇漢人而著逆節也不
若以戰功賞其死罰令自新便不報及應龍反人多易之
又上言今承平久民不識兵且酋亦非易與者雖終當就

捐恐乘虛襲我所失不小當早爲備復不聽追應龍璣白石屠綦江三蜀震恐始皆服其言卒費國家數十萬金經八載而後平既殺郡督臣請能善後者遂以守訓往或止毋行守訓叱取疾發到郿披赤平情夷漢咸悅俄病卒

大

趙儒字席珍同州人居渭北里自號渭北父龍舉人任延津訓導擢長壽令無子乞嗣於唐崔珏之祠世所謂崔府君者夜夢府君捧綵色盒中貯玉孩授之曰以此爲汝子當有文才其官秩亦如吾也遂生儒類儒異常自置德十

同州府志卷三十一

列傳下

九

一年丙子舉鄉試明年丁丑卽捷中進士科授工部主事會武宗巡幸塞上儒在侍從繼復南幸災微仍詔儒行儒疏諫止之忤旨勅差宣大整理運務轉員外郎嘉靖癸未陞屯田司郎中時議大禮具疏又忤旨且名列疏首受廷杖繼出爲四川叙州府知府撫夷惠民政著卓績告養親回籍壬辰丁母憂戊辰起補永州府值世宗幸承天馳至襄陽迎蹇蒙賜紵絲白金并奉旨以忠懇効勞叙資推用比至永州儉以立廉仁以行惠萃一州六縣之英而教育之民懷士悅丁丑隨例入覲至都一無饋遺過朝謁冢宰

某某愷見於面曰今者知府不職俾屬吏恣情刻剝多得金錢從而染指簞簞不飭之誠如官箴何儒抗聲對曰永州無是也他郡卽不可知朝廷慮此但當清其源以正百官耳時觀臣皆爲失色儒坦如也都御史王浚川見其語含譏諷謂曰太守毋再言儒曰卽今直道不行竊恐汚濁富貴冢宰以抗禮斥之儒知事不可爲乃引歸講學於洛渭之側從之者多所成就爛詩古文辭巧求者幾無虛日壽八十九歲卒於家祀鄉賢所著有渭北集行世先是檢討雷霖剽輯巨乘儒復取而增益之亦稱善本後爲重修者刪改失其本來矣

華陰志

同州府志卷三十一

列傳下

十

韓邦靖字汝慶朝邑人紹宗第三子生而靈異號爲奇童五歲讀文主至德篇掩卷若有思者父問之對曰卽如是武王非矣父大奇之八歲通舉子業十四舉於鄉二十一舉正德戊辰進士拜工部虞衡司主事奉部檄監十庫與奄人抗禮奄人絀服已遷員外郎都水司郎中是時詔求直言邦靖乃上疏曰夫民者樂安而思治惡危而厭亂向背之際甚可畏也臣竊見陛下自卽位以來朝政不修經筵罔御盤遊無節狎近羣儉摧折骨鯁之臣閉塞諫諍之

路百度乘達庶事叢脞府庫空竭閭閻流散盜賊災異薦至迭興危亂之形已成社稷之憂將大頃者乾清宮災陛下下詔求直言在位羣臣疏論剴切時政缺失指陳畧盡天下之人皆以爲天心仁愛啓佑聖衷必將延覽聽納革既往之愆圖維新之化潤澤生民永昌社稷在此一舉不意陛下徒事虛文不修實政凡諸過舉仍遵往轍臣工章疏罔有施行而部官黃體行乃又以言罷去天下人心莫不轟然沮喪以爲陛下遭此大異因循恬安尙復如此是陛下無悔悟之期天下無治安之日渙散支離不可收結

同州府志卷三十一 列傳下

三

書曰民可近不可下尙不可而况使之離哉夫親離者家散民離者國搖故漢儒有土崩之言先哲有搏沙之喻臣每念及此實懷隱憂伏望陛下以社稷爲念於以收既散之人心迺將來之福澤疏上天子震怒下錦衣衛獄給事中李君鐸率衆論救乃得奪官爲民辛巳秋世廟卽位起爲山西左參議分守大同革奸平獄權豪斂跡是時天子修定策功封爵太濫而高山陽和諸衛軍士奉例開墾草場數千餘頃皆爲豪家占種乃前後上疏論列又皆不報未幾大同歲饑人相食又奉議請發內帑賑濟不許爲

之慙然泣下復抗疏論列又不報復疏乞歸疏報未下卽行西歸之日軍民遮留號泣不忍舍去抵家乃損食不豫呼苑洛子曰吾其逝矣十九日必大雷雨其日果大雷雨尋卒時年三十四先是正德時上早朝御階有匿名帖言瑾罪惡瑾矯旨命各官跪奉天門下是日天暑酷烈又無片雲僵者數人邦奇體素羸至午氣微昏眩呼曰死矣安得少水活我衛士剖瓜飲水邦靖匍匐攫取食兄兄得廷同跪者以失儀爲懼邦靖曰救兄獲罪所不辭也樊參議爲立孝弟碑 朝邑志

同州府志卷三十一 列傳下

三

韓邦奇字汝節紹宗次子學有本源學者稱苑洛先生治尙書時卽著蔡傳發明禹貢詳畧宏治甲子乃以書舉第二人會試不第歸著律呂直解見志正德戊辰成進士授吏部考功司主事陞考功司員外郎明年辛未考察都御史私袖小帙竊視邦奇曰考覈公事有公籍在何以私帙爲乃掣其帙封貯不檢都御史爲遜謝同曹郎皆縮項失色尋調文選司太宰托意爲官擇人欲發視缺封邦奇執不可曰發則有私諸曹成依阿邦奇執愈厲卒不更太宰衙之未幾京師地震上疏極論時政闕失謫平陽府通判